



Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 18. Smolenscum, aliaque loca a Moscovitis recuperata.

[urn:nbn:de:hbz:466:1-67313](https://nbn-resolving.de/urn:nbn:de:hbz:466:1-67313)

Sæc. XVII. rioribus bellis infirmaverat, novo Rege
A. C. 1613. novas armorum resodiente caussas.

§. XVIII.

*Smolenscum, aliaque loca a Mosco-
vitis recuperata.*

Merc. t. 10.
l. 1. p. 69.

Exeunte Mense Septembri Moscovitæ Smolenscum, quod Poloni nuper occupaverant, cum ingenti sexaginta millium armatorum exercitu cinxerant: Cosacci quidem nulla mora missio ad Cotevitum Polonici exercitus Ducem nuntio, subsidia, copiasque auxiliares sibi quamprimum submitti petierunt: cum autem hic Bellidux in biennali tumultu facile duodequinquaginta millia militum amisisset, obsessis præsto esse haud poterat, quo circera Cosacci & Heiducci ferme omnes dilapsi sunt, non nisi trecentis Germanis militibus in urbe relictis, quos ad ditionem coactos Mosci occupata urbe & arce misere trucidarunt, recuperatis omnibus, quæ Poloni hactenus eis eripuerant. Ipse etiam Cotevitus Dux prævalente sensim Michaele Fedrowizio, Russorumque perfidia, tandem cum suis e Moscovia penitus recedere compellebatur: Tartari vero vel a Moscis conducti vel suapte potius ferocia impulsi, numero vicies mille Podoliam Poloniæ Regio-

nem

nem interim invadunt, sexaginta pa- Sæc. XVII.
gos, duasque urbes incendio delent, A.C. 1613.
& obvios quosque, nulla nec ætatis,
nec sexus, aut conditionis habita ra-
tione trucidant, agrosque duorum in
longitudinem milliarum spatio, perem-
ptorum cadaveribus studiose dispersis
consternunt, tandemque ingenti præda
onusti, nullo tunc vindice, ad suos
impune revertuntur.

§. XIX.

Moscovia a Cossaccis devasta.

Verum Cossacci paulopost Moscorum & Appam. in
hunc ann.
num. 7.
Tartarorum fævitiam pari crudeli-
tatis genere plectebant; eorum enim
plusquam undecim millia e Lithuania
ubi Fedrowitsii grassationibus obsistere
nitebantur, in interiorem usque Mo-
scoviam penetrabant, ingentemque au-
ri, ceteræque rerum copiæ, quam Mo-
sci Polonis extorserant, prædam recu-
perabant, demum vero direptis pluri-
bus pagis in Tartaros quoque spoliis
opulentos recta pergunt, atque ingen-
tibus eos cladibus afficiunt, vicinam-
que circum Regionem rapinis exhau-
riunt. Horum felici progressu, domi-
tisque hostibus Poloni tantisper respi-
rare cœperunt, & Sigismundus Rex
illatam cladem novo bello ulcisci pa-
rabat,